



74
6288
15

九二



大明集禮卷三十三

軍禮第一

親征篇

總叙

天子親征。所以應天順人。除殘去暴。以安天下。
 自軒轅黃帝習用干戈。以征不享。戰于阪泉。戰
 於涿鹿。此其始也。成湯放桀。用玄牡告于上天
 神后。啓征有扈。則曰用命。賞于祖。不用命。戮于
 社。武王伐紂。載文王木主以行。告于皇天后土。



去五味均平藏



74
6288
15

所過名山大川。**周**制。天子親征則類于上帝。宜于太社。造于祖廟。較于國門。禡于所征之地。及祭所過山川。師還則奏凱獻俘于廟社。經秦涉漢。其禮無聞。僅有封功臣之制可稽耳。**後魏**。剋捷欲使天下聞知。又有宣露布之制。**唐**初舊典。**宋**亦間行焉。今擬

國朝親征祭告天地宗廟社稷。禡祭旗纛。所過山川皆行祭告。師還奏凱獻俘于廟社。以露布詔告天下。然後論功行賞。諸將既受封賞。皆具

表箋稱謝。今集歷代親征儀文之詳。參酌今日之宜。以著于篇。

類于上帝

天子親征。類于上帝者。謂其禮依郊祀為之。故曰類。書舜典有類于上帝之文。**周**出征有類上帝之典。**北齊**之制。皇帝纂嚴。服通天冠。文物充庭。有司奏請更衣。乃入冠武弁。出以誓衆。擇日陳六軍備大駕。類于上帝。**唐**往征還師。並類上帝。**唐**皇帝親征。先於太極殿誓百官。祭日纂嚴。

服武弁。乘革輅。備大駕六軍。類告上帝于負扃。陳牲犢玉幣作樂。行一獻禮。皇帝歛福受胙。衆官皆賜胙。禮畢。皇帝改服通天冠。絳紗袍。乘金輅。鼓吹振作還宮。**宋**皇帝親征。遣官奏告天地。用酒脯。行一獻禮。今擬

國朝

皇帝親征前期擇日。祭告天地。服武弁。乘革輅。備六軍。以牲犢幣帛作樂。行三獻之禮。其儀見于祀天祀地篇。

造于太廟

禮制。天子將出征。造于禰。注。造。至也。至父祖之廟也。蓋至廟中受命于祖考。而以遷廟之主載于齋車以行。如無遷廟之主。則以幣帛皮珪告于祖禰。遂奉以出行。而載于齋車。每舍奠焉。而後就舍。及必告。設誓。畢。斂幣玉藏諸兩階之間。乃出。蓋貴命也。又八師造于祖。注。云。大師者。六軍親征之稱。出必以備祭七廟。取遷廟之主而行。**祭**親征。用牲幣告于祖廟。**北齊**親征。則天子備

法駕乘木輅以造于廟。載遷主於齋車。禮制親征師還俱有造廟之典。禮皇帝親征齋於太極殿。應祭之官齋於廟所。祭日皇帝服武弁乘革輅。備六軍。造于太廟。每室用特牲玉幣。作樂。晨裸饋食。行一獻之禮。皇帝已飲福受胙。衆官皆賜胙。禮畢。皇帝改服還宮。如類上帝之儀。凱還則陳俘馘軍實于廟南門外。其告祭之禮與出師同。禮皇帝親征。遣官奏告宗廟。用酒脯幣帛。行一獻禮。今擬

禮親征。前期擇日。與出師同。禮皇帝親征。皇帝服武弁乘革輅。備六軍。祭告。其儀皆同時享太廟。每廟用牲幣。行三獻之禮。其儀皆同時享見宗廟篇。但凱還則陳俘奏凱於廟南門外。

宜于太社

天子親征而宜于太社者。謂社主殺戮以求便宜。社主陰萬物於此。斷殺焉。禮制。將出征。宜于社。又奉社。王以行。不用命戮於社。禮用牲幣。宜于社。禮備法駕乘木輅以宜於社。載帝社。祔

主於車以行。戰前一日，司空禱社。戰勝則報以太宰。不用命者，罰于社。遂行戮。往征還師，並宜社。及征高麗，築社稷二壇于乾河上。帝衮冕，王輅備法駕，行宜社。稷禮畢，御金輅，服通天冠，還行宮。皇帝親征，服武弁，乘革輅，備六軍，宜于太社。每壇用牲犢，作樂薦玉幣，進熟，行一獻禮。皇帝已飲福受胙，衆官皆賜胙。禮畢，皇帝改服還宮。如告太廟之儀。凱還，則陳俘馘軍實於北門之外，共告祭禮與出師同。皇帝親征，遣

官奏告社稷，用酒脯幣帛，行一獻禮。今擬



親征前期擇日。

皇帝服武弁，乘革輅，備六軍，以牲犢幣帛，作樂行三獻之禮。其儀同春秋祭社稷之儀。見社稷篇。但凱還則陳俘奏凱于社北門外。

禡祭

天子親征而禡祭者，謂師祭也。為兵禱也。其神蓋始為兵者。故黃帝蚩尤皆得為禡神也。高祖為沛公時祠黃帝蚩尤於沛庭。親征將

屆戰所卜剛日。備玄牲。列軍容。設壇墀而禡祭。
大司馬奠矢。有司奠毛血。唐親征以熊席。設軒
轅。黃帝神座。置甲冑弓矢於座側。建稍於座後。
皇帝服武弁。行初獻。大將為亞獻。次將為終獻。
具牲幣。行三獻禮。宋太平興國五年。太宗親征
河東。就北郊用少牢祭蚩尤禡牙。真宗咸平四
年。詔太常禮院定禡祭儀。其制除地為壇。設兩
壝。繞以青繩。張幕。置軍牙六纛神位。祭用剛日。
牲用太牢。幣軍牙以白。六纛以皂。行三獻禮。今

擬

國朝

親征於國南羣神祠。設旗纛。

皇帝服武弁。備牲犢幣帛。行三獻之禮。其儀見
於後。

較祭

古者天子出則較祭。周禮曰。犯較。遂轢之。註謂
山行為較。轢。車所踐也。犯之者。謂於國門外封

土為山象。以苦蕒。

苦音蕒。又音蒲。香草。蕒草束也。

棘栢為主。

三者

皆可為主。隨用其一。

太僕左執轡。右祭兩轂及軾前。即驅

駕轅較而去。喻無險難也。**隋**較祭禮。有司於國

門外委土為山象。剝羊陳器奠幣薦脯。加羊饌

埋於坎。駕至。太僕祭兩軹及軌。軹謂較。軌音乃

飲授爵。遂轅較上而行。**唐**親征先於國門外委

土於較。太祝布神座於較前。太官令帥宰人剝

羊奠饌。祭畢。驅駕轅較而行。今擬

國朝不行較祭。

祭所過山川

周制。天子出征。過大山川則用事。註。用事者。謂

令太祝祭告之也。**北齊**親征。則所過名山大川。

以太牢命有司致祭。**隋**所過之地。名山大川。嶽

瀆以太牢。山川以少牢。皆命有司行禮。**唐**親征

執事者先脩除告所。太官令備牢饌。嶽鎮海瀆

用太牢。中山川用少牢。小山川用特牲。若行遠。

即用酒脯。制幣隨方色。亦遣有司行事。今擬

國朝親征。凡所過山川。有司具牲制幣。

皇帝服武弁行一獻禮。其儀見於後。

奏凱獻俘

周官大司樂。王師大獻則令奏凱樂。此奏凱之由也。出征執有罪還而釋奠于學。以訊馘告。此獻俘之由也。唐武德四年。唐王世民平東都。被黃金甲。乘戎輅。李世勣等二十五將從其後。陳鐵騎一萬。甲士三萬。前後部鼓吹。俘王世充寶建德及隋器物輦輅獻于太廟。貞觀二十年。太宗至自遼東。獻俘授馘。備法駕。具凱還之禮。宋開寶四年。擒劉鋹。帝御明德門樓。有司陳仗衛。及諸軍文武官班。百官常服。將校戎服。以俘先獻廟社。然後獻於樓前。以付所司。九年正月。擒李煜及其子弟偽官四十五人。獻於明德門樓。亦因唐制。奏凱獻俘於廟社。今擬國朝親征凱還。

皇帝率諸將以凱樂俘馘陳於廟社門外。伺告祭禮畢。以俘馘付刑部。協律郎導樂以退。其告祭宗廟社稷行三獻禮。儀同于出師。見宗廟社稷篇。

宣露布

後魏 每戰捷。欲天下聞知。乃書帛。建於漆竿之上。名為露布。此其始也。**隋** 文帝開皇中。詔太常卿牛弘撰宣露布禮。及九年平陳。兵部奏請依新禮。集百官四方客使等。赴廣陽門外。朝服序列。內史令稱有詔。在位者皆再拜。宣露布訖。百官三蹈舞。又再拜。**唐** 平蕩寇賊於東朝堂。集文武客使。中書令以露布宣於衆。**宋** 宣露布或於明德樓前。或於宣德樓。今擬

國朝 親征凱還。

皇帝服通天冠絳紗袍。陞

午門樓上。以露布詔天下。百官具朝服聽詔。其儀與開讀詔赦同。見朝會篇。

論功

禮 戰功曰多。凡有功者。銘書於王之太常。祭於大丞。司勳詔之。傳曰。反行飲至。舍爵策勳。禮也。**漢** 高祖有天下。論功定封誓。曰。黃河如帶。泰山如礪。國以永存。爰及苗裔。於是定十八侯之

位次以蕭何為第一。光武中興定封功臣。詔曰。諸將業遠功大。誠欲傳於無窮。其顯效未酬。名籍未立者。大鴻臚趣上。朕將差而錄之。於是封高密侯鄧禹等二十八人。唐高祖武德元年。論太原建義功。以秦王世民為首。長孫順德。劉弘基等次之。太宗即位。定功臣封戶。自裴寂以下。差功大小第之。總四十三人。宋定天下。賞功臣石守信等有差。今擬



親征凱還。中書省移文大都督府兵部。具

諸將功勳。吏部具勳爵職名。禮部戶部具賞格。中書集六部論定功賞。奏取

聖裁。至日。

皇帝服袞冕御

奉天殿。百官朝服侍宣

制。大賚。詔告天下。其儀見于後。

諸將受封賞表謝

大將有功而受封賞。宜有謝儀。秦漢而降。禮文不載。唐郭子儀平河東。除兼河東節度使。裴度

平淮西。除淮西宣慰處置等使。馬燧破河東。加實封七百戶。莫不上表稱謝。曹彬下江南。張俊等中興有功。其受封賞亦皆表謝。今錄裴度謝表一通以見其制。其表曰。臣度言。臣伏奉去七月二十七日制書。除臣門下侍郎同中書門下平章事。充淮西節度觀察處置等使。蔡州刺史。并淮西宣慰處置等使。緣逆賊吳元濟尚拒王師。遂於郟城縣權為理所。臣篤勵羣帥。潛設多方。傾其重兵。頓在洄曲。今月十七日。唐鄧節度使李愬乘虛直進。生致元兇。臣與賈柵三營諸軍便降。洄曲二萬餘衆。積年逋寇。翌日殄除。淮右千里。通行無礙。臣以二十五日。領所部兵馬及歸順將士至蔡州。上訖。豹豕舊穴。迎風而汛掃。鳩梟故林。應節而黃落。瞽瞍者咸觀堯日。皦皦者重識漢儀。臣以不才。猥當重寄。力排苟且之議。上贊聖明之心。不敢偷安廟堂。遂乞親臨疆場。陛下初猶未許。微臣亟請是行。睿旨丁寧。寵光照耀。臣中心自誓。畢命無憾。若不成事。

必當死綏。伏賴神道惡盈罪人斯得。而今而後。方保餘生。就天地削平之功。貽策書不朽之美。足使懦夫增氣。獷俗剝心。方偃武以脩文。故暨勞而永逸。臣謹敷揚帝澤。宣布國章。滌其瑕疵。衣以襦袴。俾斯汙俗咸若。新邦底寧。但以才乏折衝。任兼中外。摩頂至踵。諒無非其渥恩。知臣者君庶不辱於玄鑒。無任感激欣喜之至。

國朝諸將有功既受封賞。具表箋稱謝。

禡祭儀注

齋戒。

皇帝清齋一日。大將陪祭官以下皆清齋一日。省牲。前期二日設。

皇帝大次于廟庭之東。

皇太子次于

大次之東。設

皇帝省牲位于南門外。前一日導駕官同太常

卿導引

車駕詣

大次。太常卿奏中嚴。

皇帝服通天冠絳紗袍。太常卿奏外辦。導駕官同太常卿導引。

皇帝至省牲位。執事者各執事。廩犧令率其屬牽牲自東西行過。

御前省訖。牽詣神厨。太常卿奏請詣神厨。導駕官同太常卿導引。

皇帝至神厨。太常卿奏請視鼎鑊。請視滌漑。遂

烹牲。導駕官同太常卿導引。

皇帝還大次。

陳設。前一日。所司洒掃廟之内外。執事設軍牙。

六纛神案于廟殿中之北。置

軍牙神位在東。

六纛神位在西。設籩十有二十。神位之東為三行。西上。豆十有二十。神位之西為三行。東上。簠各二。于籩豆之間。簠在東。簠在西。鉶三。登三。

于籩豆之前。俎三。于登鉶之前。香案于俎之前。爵拈于香案之前。沙池于爵拈之前。設酒尊所于廟庭之東。幣篚位于酒尊之北。爵洗位于酒尊之南。

御洗位于爵洗之南。瘞坎位于神位之西北。設席于坎位之前。上置酒碗五事。及斟酒器具。雉雞五隻。以伺。酌神。設

御位于廟庭之南。正中北向。大將及陪祭官位于

御位之南。異等重行。文東武西。皆北向。司尊司爵洗司盥洗執爵司幣執事各于其位。設御史位于香案前。左右贊禮位于御史之南。東西相向。傳贊位于贊禮之南。贊引位于傳贊之南。

正祭。祭日清晨。建

牙旗六。纛于神位之後。牙旗在東。

六纛在西。太常少卿率執事者各實尊罍籩豆。簠簋登鉶實幣于篚。置于酒尊所。置祝版於

神位之右。齋郎舉牲俎入陳于案。樂工執事官各服其服。入就位。陪祭官及諸將官服其服。入就位。太常卿奏請中嚴。

皇帝服武弁服。太常卿奏外辦。導駕官同太常卿導引。

皇帝自左南門入至位。北向立。

迎神。贊禮唱迎神。大樂作。贊禮唱請行禮。太常卿奏有司謹具。請行事。太常卿奏鞠躬。拜興。拜興。平身。

皇帝鞠躬。

樂作

拜興

拜興

樂止

贊禮唱在

位官皆再拜。傳贊唱鞠躬。拜興。拜興。平身。在位官皆鞠躬。拜興。拜興。平身。

奠幣行初獻禮。

贊禮唱奠幣行初獻禮。太常

卿奏請詣盥洗位。導駕官同太常卿導引。

皇帝至盥洗位。太常卿奏搢圭。

皇帝搢圭。太常卿奏盥手。司盥洗者酌水。

皇帝盥手。太常卿奏悅手。司巾者以巾進。

皇帝悅手。太常卿奏出圭。

皇帝出圭。太常卿奏請詣爵洗位。導駕官同太常卿導引。

皇帝至爵洗位。太常奏搯圭。

皇帝搯圭。執爵官以爵進。太常卿奏受爵。

皇帝受爵。司爵洗者酌水。太常卿奏滌爵。

皇帝滌爵。司巾者以巾進。太常卿奏拭爵。

皇帝拭爵。太常卿奏以爵授執事者。

皇帝以爵授執爵官。執爵官再以爵進。太常卿奏受爵。

皇帝受爵。司爵洗者酌水。太常卿奏滌爵。

皇帝滌爵。司巾者以巾進。太常卿奏拭爵。

皇帝拭爵。太常卿奏以爵授執事者。

皇帝以爵授執爵官。太常卿奏出圭。

皇帝出圭。太常奏請詣酒尊所。導駕官同太常卿導引。

皇帝詣酒尊所。執爵官捧爵。行至酒尊所。太常卿奏搯圭。

皇帝搯圭。執爵官以爵進。太常卿奏受爵。

皇帝受爵。司爵洗者酌水。太常卿奏滌爵。

大明集禮 卷五十三
皇帝受爵。司尊者舉簋。酌醴齊。太常卿奏以爵授執事者。

皇帝以爵授執爵官。執爵官復以爵進太常卿。奏受爵。

皇帝受爵。司尊者酌醴齊。太常卿奏以爵授執事者。

皇帝以爵授執爵官。太常卿奏出圭。

皇帝出圭。太常卿奏請詣

軍牙神位前。執爵官捧爵。司幣者捧幣前行。道

駕官。同太常卿導引。

皇帝陞廟壇。樂作至

神位前。太常卿奏跪。搢圭。

皇帝跪。搢圭。司香官奉香跪進于

皇帝之左。太常卿奏。上香。三上香。

皇帝上香。上香。三上香。司幣者奉幣跪進于

皇帝之右。

皇帝受幣。司幣者興。還本位。太常奏奠幣。

皇帝奠幣。執爵官奉爵跪進于

皇帝之右。

皇帝受爵。執爵官興。還本位。太常卿奏祭酒。祭酒三祭酒。奠爵。

皇帝祭酒。祭酒三祭酒。奠爵。太常卿奏出圭。

皇帝出圭。樂止讀祝官取祝版于

神位之右。跪讀訖。興。以祝版復置于坫。退還位。

太常卿奏俯伏。興。拜。興。平身。

皇帝俯伏。興。樂作拜。興。拜。興。平身。樂止太常卿

奏。請詣

六齋神位前。導駕官同太常卿導引

皇帝詣

六齋神位前。司幣者捧幣。執爵官捧爵前行。至

神位前。樂作其上香奠幣。祭酒讀祝並如

軍牙神位前之儀。太常卿奏復位。導駕官同太

常卿導引

皇帝復位。

亞獻。贊禮唱行亞獻禮。其儀與初獻同。但不

奠幣。讀祝酒酌。齊。

終獻。贊禮唱行終獻禮。其儀與亞獻同。

飲福。贊禮唱飲福受胙。執事者酌福酒。減

神前胙肉。太常卿奏詣飲福位。導駕官同太常

卿導引

皇帝至

牙纛懸神位前。飲福位。北向立。太常卿奏鞠躬。拜

興。拜。興。平身。

皇帝鞠躬。樂作拜。興。拜。興。平身。樂止太常卿奏

跪。搢圭。

皇帝跪搢圭。執事奉福酒。跪進于

皇帝之右。太常卿奏飲福酒。

皇帝受爵。祭酒少許。飲福酒。太常卿奏奠爵。

皇帝奠爵訖。捧胙官奉胙。跪進于

皇帝之右。太常卿奏受胙。

皇帝受胙。以胙授左右。左右跪受胙。太常卿奏

出圭。

皇帝出圭。太常卿奏俯伏。興。拜。興。拜。興。平身。

皇帝俯伏。興。樂作拜。興。拜。興。平身。樂止太常卿

奏請復位。導駕官同太常卿導引。

皇帝復位。

徹豆。

贊禮唱徹豆。

樂作

掌祭官各徹豆。樂止

贊禮唱賜胙。太常卿奏。

皇帝飲福受胙免拜。贊禮唱在位陪祭官皆再

拜。傳贊唱鞠躬。拜興。拜興。平身。在位陪祭官皆

鞠躬。興。拜興。平身。

送神。

贊禮唱送神。太常卿奏鞠躬。拜興。拜興。

平身。

皇帝鞠躬。

樂作

拜興。拜興。

樂止

贊禮唱在位陪

祭官皆再拜。傳贊唱鞠躬。拜興。拜興。平身。在位

陪祭官皆鞠躬。拜興。拜興。平身。

望燎。

贊禮唱望燎。讀祝官取祝。捧幣官取幣。

掌祭官取饌詣望燎所。太常卿奏詣望燎位。導

駕官同太常卿導引。

皇帝至望燎位。贊禮唱可燎。東西面各二人。以

炬燎。執事殺雞刺血於酒碗中。酌神訖。擲雞於

四下。燎將半。太常卿奏禮畢。導駕官同太常卿

導引

皇帝還太次解嚴

論功行賞儀注

前期內使監陳

御座香案于

奉天殿如常儀尚寶司設

寶案於殿上正中侍儀司設

詔書案於

寶案之前設

誥命案於

丹陛正中之北設

皇太子諸王侍立位於

殿上之東北設承制官承

制位於殿上之東及宣

制位於

丹墀誥命案之北吏部尚書戶部尚書禮部尚

書位於殿上之東南設大都督府兵部尚書位

於殿上之西南應受賞官拜位於

丹墀之中。異位重行。序立位於

丹墀之西南。受賞位於

誥命案之南。受賞執事位於受賞官序立位之

西。每受賞官用捧誥命知班二人位於受賞官

拜位之北。東西相向。贊禮二人位於知班之北。

東西相向。典儀二人位於

丹墀上之南。東西相向。文武官侍立位於

丹墀之北。東西相向。侍從班起居注。給事中。殿

中侍御史。尚寶卿。侍儀司官位於

殿上之東。懸刀武官位於

殿上之西。殿前班指揮司三人位於

丹陛之西。東向。光祿寺三人位於

丹陛上之東。西向。拱衛司二人位於

殿中門之左右。典牧所官二人位於仗馬之前

宿衛鎮撫二人位於

丹陛下。東西相向。護衛千戶二十八人位於宿

衛鎮撫之南。稍後。東西相向。護衛千戶八人位

于

奉天殿東西門之左右將軍二人位于

殿上簾前之東西將軍六人位于

奉天殿門之左右將軍四人位于

丹陛上之四隅將軍六人位于

奉天門之左右俱東西相向鳴鞭四人位于

丹陛之南北向是日擊鼓初嚴金吾衛列旗幟

器仗拱衛司設儀仗車輅典牧司陳仗馬虎豹

內使監擎執樂工陳樂皆如正會之儀禮部陳

設

詔書吏部陳設

誥命戶部陳設禮物陳設執事各立于案之左

右殿前班糾儀典儀知班贊禮宿衛鎮撫護衛

將軍各入就位舍人催受賞官及侍立文武官

各具朝服擊鼓次嚴侍從班文武官入迎

車駕舍人引受賞官齊班于

午門外之南東西相向引文武官齊班于

午門之北東西相向擊鼓三嚴侍儀版奏中嚴

御用監官奏請

皇帝于謹身殿服袞冕。

皇太子諸王于

奉天殿門東耳房具冕服。舍人引文武官入就

丹墀侍立位。引受賞官入就

丹墀序立位。侍儀版奏外辦。

皇帝御輿以出。仗動。樂作侍衛導從如常儀。陞

御座。捲簾。鳴鞭。樂止司辰報時。雞唱訖。引進引

皇太子諸王自

奉天門東門入。樂作由東陞陞殿。東門入至侍

立位。樂止舍人引受賞官入就拜位。知班唱班

齊贊禮唱鞠躬。樂作拜興。拜興。拜興。平身。

樂止承制官前跪承

制由

殿中門出。中陞降。至宣

制位。吏部尚書。戶部尚書。禮部尚書。由西門出。

西陞降。立于

誥命禮物案之東。承制官南向。稱有

制。贊禮唱跪。受賞官皆跪。承制官宣

制曰朕嘉其等為國建功宜加爵賞今授其以

某職賜以某物其共承朕命受賜員數不拘宣

畢贊禮唱俯伏興樂作拜興拜興平身樂止贊

禮唱行賞舍人引受賞官第一人詣案前贊禮

唱跪搢笏吏部官捧

誥命禮部官捧禮物各授受賞官受賞官受

誥命禮物以授左右左右跪受於受賞官之左

興退復位贊禮唱出笏俯伏興復位舍人引受

賞官復位引以次受賞官詣案前皆如常儀承

制官吏部尚書戶部尚書禮部尚書由西陞陛

西門入跪

上位之西云承

制訖興各復位贊禮唱鞠躬樂作拜興拜興樂止

贊禮唱搢笏鞠躬三舞蹈跪山呼萬歲山呼萬

歲再山呼萬萬歲樂工齊聲應之出笏俯伏興樂作拜

興拜興拜興拜興平身樂上贊禮唱禮畢侍儀

跪奏禮畢鳴鞭

皇帝興樂作警蹕侍從導引至謹身殿樂止引

禮記卷二十三 二十四

進引

皇太子

諸王還宮。舍人引受賞官。及文武官以次出。至午門外。以

誥命禮物置于龍亭。用儀仗鼓樂各送還本第。

祭所過山川儀注

齋戒。

皇帝齋戒一日。陪祭官及執事官皆齋戒一日。

前期。命有司具牢饌。岳鎮海瀆用太牢。中山川用特牲。若

行速則用酒脯而已。

省牲 前期設

皇帝大次於廟庭之東。設

皇帝省牲位於廟南門外。前一日導駕官同引

禮官導引

車駕詣

太次。引禮官奏中嚴。

皇帝服通天冠絳紗袍。引禮官奏外辦。導駕官

同引禮官導引

皇帝至省牲位。執事官各執事。廩犧令率其屬牽牲自東西行過。

御前省訖。牽詣神廚。引禮官奏請詣神廚。導駕官同引禮官導引。

皇帝至神廚。引禮官奏請視鼎鑊。請視滌漑訖。遂烹牲。導駕官同引禮官導引。

皇帝還大次。

陳設。前祭設籩豆各一于神前。籩實鹿脯。豆實鹿臠。設

牲饌于

神位之前。設香案于牲饌之前。設爵坫于香案之前。沙池于爵坫之前。設酒尊所于廟庭之東西向。爵洗於酒尊之南。御洗于爵洗之南。設

御位于廟庭之南。北向。陪祭官位

御位之南。異位。重行文東武西北向。司幣司尊司爵洗執爵執事各于其位。設典儀位于廟庭

之南。東西相向。傳贊位于典儀之南。東西相向。正祭。祭日清晨。掌祭官率執事官各實酒饌

脯糝於器。實幣於篚。置酒尊所置祝版于

神位之右。陳牲于

神位之前。執事官各服其服。入就位。陪祭官服其服。入就位。引禮官奏請中嚴。

皇帝服武弁。引禮官奏外辦。導駕官同引禮官導引。

皇帝自左南門入。至位北向立。

迎神。典儀唱迎神。大樂作樂止典儀唱行禮。引禮

官奏有司謹具請行事。奏鞠躬拜興。拜興平身。皇帝鞠躬。樂作拜興。拜興平身。樂止典儀唱在

位。官皆再拜。傳贊唱。鞠躬拜興。拜興平身。在位。官皆鞠躬。拜興。拜興平身。

奠幣行酌獻禮。典儀唱奠幣行酌獻禮。引禮官奏請詣盥洗位。導駕官同引禮官導引。

皇帝至盥洗位。引禮官奏搢圭。

皇帝搢圭。引禮官奏盥手。司盥洗者酌水。

皇帝盥手。引禮官奏悅手。司巾者以巾進。

皇帝悅手。引禮官奏出圭。

皇帝出圭。引禮官奏請詣爵洗位。導駕官同太

常卿導引

皇帝至爵洗位。引禮官奏搢圭。

皇帝搢圭。執爵官以爵進。引禮官奏受爵。

皇帝受爵。司爵洗者酌水。引禮官奏滌爵。

皇帝滌爵。司巾者進巾。引禮官奏拭爵。

皇帝拭爵。引禮官奏以爵授執爵官。

皇帝以爵授執爵官。引禮官奏出圭。

皇帝出圭。引禮官奏請詣酒尊所。導駕官同引

禮官導引

皇帝詣酒尊所。執爵官捧爵從行。至酒尊所。引禮官奏搢圭。

皇帝搢圭。執爵官以爵進。引禮官奏受爵。

皇帝受爵。司尊者舉簋。酌酒。引禮官奏以爵授執事者。

皇帝以爵授執爵官。引禮官奏出圭。

皇帝出圭。引禮官奏請詣

神位前。執爵官捧爵。司幣者捧幣從行。導駕官同引禮官導引

皇帝至

神位前。引禮官奏跪。搢圭。

皇帝跪搢圭。司香官奉香跪進于

皇帝之左。引禮官奏上香。三上香。

皇帝上香。上香。三上香。司香官興。還本位。司幣者以幣跪進于

皇帝之右。

皇帝受幣。司幣者興。還本位。引禮官奏奠幣。

皇帝奠幣。執爵官奉爵酒跪進于

皇帝之右。引禮官奏受爵。

皇帝受爵。執爵官興。還本位。引禮官奏祭酒。祭酒。三祭酒。奠爵。

皇帝祭酒。祭酒。三祭酒。奠爵。引禮官奏出圭。

皇帝出圭。讀祝官取祝版跪讀于

神位之右。讀訖。以祝版復置于地。興。還本位。引

禮官奏俯伏。興。拜。興。拜。興。平身。

皇帝俯伏。興。樂作拜。興。拜。興。平身。樂止引禮官

奏請復位。導駕官同引禮官導引

皇帝復位。

飲福。典儀唱飲福受胙。執事者酌福酒。減

神前胙肉。引禮官奏詣飲福位。導駕官同引禮

官導引

皇帝至

神位前。北向立。引禮官奏鞠躬。拜興。拜興。平身。

皇帝鞠躬。樂作拜興。拜興。平身。樂止引禮官奏

稍前。跪。搯圭。

皇帝稍前跪搯圭。執事奉福酒跪進于

皇帝之右。引禮官奏飲福酒。

皇帝受爵。祭酒少許。飲福酒。引禮官奏奠爵。

皇帝奠爵訖。捧胙官奉胙跪進于

皇帝之右。引禮官奏受胙。

皇帝受胙。以胙授左右。左右跪受胙。引禮官奏

出圭。

皇帝出圭。引禮官奏俯伏。興。拜興。拜興。平身。

皇帝俯伏興。樂作拜興。拜興。平身。樂止引禮官

奏請復位。導駕官同引禮官導引

皇帝復位。

徹豆。樂作典儀唱徹豆。樂作掌祭官各徹豆。樂止

典儀唱賜胙。引禮官奏

皇帝飲福受胙免拜。典儀唱陪祭官皆再拜。傳

贊唱鞠躬拜興拜興平身。陪祭官皆鞠躬拜興

拜興平身。

送神。典儀唱送神。引禮官奏鞠躬拜興拜興

平身。

皇帝鞠躬。樂作拜興拜興平身。樂止典儀唱陪

祭官皆再拜。傳贊唱鞠躬拜興拜興平身。

望瘞。典儀唱望瘞。讀祝官取祝。捧幣官取幣。

掌祭官取饌。詣瘞所。置坎實半土。典儀唱可瘞。

引禮官奏禮畢。導駕官同引禮官導引

皇帝還次。陪祭官以次出

大明集禮卷三十三

大明集禮卷三十四

軍禮二

遣將篇

總序

王者之遣將所以討有罪除民害也。有苗負固。

大帛祖征。獫狁為難。南仲致討。考之書詩可見。

矣。史記引兵書曰。古王者之遣將。跪而推轂曰。

閫以內者寡人制之。閫以外者將軍制之。**漢**高

祖命韓信為將。擇日齋戒。設壇具禮。**北齊**命將

出師。皇帝陳法駕服袞冕。徧告祖廟。親授斧鉞。推轂度閭。曰。從此以外。將軍制之。隋遣晉王廣伐陳。命太尉告於太廟。又命有司宜於社。二十年北伐。以太牢禡祭於河上。唐制遣將則命告官。太將具玉幣牢饌告於廟社。及告齊太公廟。比還師。則於廟社奏凱獻俘。又因後魏之制。宣露布以布告於衆。宋遣將出師。則先授旌節於朝堂。次命告於廟社。及告武成王廟。又禡祭軒轅黃帝。師還。亦先於廟社獻凱獻俘。復奏獻於

宣德門樓。皇帝登樓受百官賀。而又宣露布焉。今擬

國朝參酌前代之儀。定遣將之禮。以著於篇。

授節鉞

遣將而授節鉞者。所以使之專殺伐也。禮記曰。諸侯賜弓矢。然後專征。賜斧鉞。然後專殺。禮制命將符節。郎授以節鉞。北齊命將。皇帝告廟。降就中堦。親授斧鉞。後周遣將。司憲奉鉞進授大將。大將拜受以行。隋將軍出師。則以假豚一豕。

鼓。授以斧鉞。不得反宿於家。**宋**遣大將則於朝堂授以旌節。其儀。太將常服再拜。閣門官宣旨授以制誥。少府監執事者交以旌節。大將受訖。再拜出。勒所部并偏裨各建旗幟。以正行列。執擎旌節至第。

國朝遣將。

皇帝服武弁服。御奉天殿。授以節鉞。

造廟

遣將而造于廟者。謂至祖之廟。告以命將出師之故也。**北齊**命將出征。則徧告祖廟。**後周**討吐谷渾。告於太祖之廟。**唐**將軍出師。告於祖廟。**唐**遣將。命有司具牢饌幣帛。告於太廟。其制。有司擇日。告官以下致齋於廟所。告日。太官令先具牢饌。告官等各服其服。就位再拜。太官令帥進饌者。奉饌陳於東門之外。諸將以次就位。進饌。行一獻禮。告官諸將皆飲福。師還。則獻凱樂。俘馘於南門外。祭告之禮。與出師同。**宋**遣將出師。

告廟及師還奏凱獻俘皆循唐制今擬

國朝遣將就命大將具牲幣行一獻禮師還則陳凱樂俘馘於廟門外而告奠之禮與出師同其儀與遣官奏告儀同見宗廟篇

宜社

遣將而宜于社者謂社主殺戮而假以便宜之權也周制出師則宜于社梁天監初陸璉定軍禮用牲幣行宜社之儀唐遣將出師命有司具牢饌幣帛告於太社告官諸將以下致齋於社

所祭日告官等各服其服行一獻之禮告官諸將皆飲福受胙師還則獻凱樂俘馘於北門外祭告之禮與出師同宋遣將出師宜社及師還奏凱獻俘皆循唐制今擬

國朝遣將就命大將具牲幣行一獻禮師還則陳凱樂俘馘於社門外而祭告之儀與出師同其行禮次第並同遣官奏告見社稷篇

告武成王廟

遣將而告武成王廟者所以重前代之有武功

者也。**唐**開元十九年。兩京及天下諸州各置齊太公廟。上元元年。追封為武成王。其於遣將出征。則命有司告祭。以牲牢幣帛。行一獻禮。**宋**遣將告祭之儀。皆循**唐**制。**國朝**遣將。就命大將具牲幣。行一獻之禮。其儀具載于後。

禡祭牙纛

遣將而禡於旗。纛為師祭也。事物紀原云。**黃帝**出軍。訣曰。牙旗者。一軍之形候也。又云。玄及為

帝制玄纛十二以主兵。即知牙纛之製始自軒轅黃帝。故孫權因之。作黃龍大牙。**唐**大將出征。祭軍牙六纛。柳宗元嘗有祭文。**宋**祭牙纛。用牲幣。行三獻禮。獻官皆將校為之。

國朝大將出師。則於旗纛廟壇備牲牢幣帛。行三獻禮。大將為初獻。次將為亞獻。終獻。祭將畢。則割雞瀝血于酒。以酹神。以雞擲於四方。其儀見後。

奏凱

師還而奏凱者。所以志其喜也。蓋振旅而還。將士喜悅。則奏獻功之樂也。**周**官司馬之職。師有功。則凱樂獻於社。**晉**文公勝楚。振旅凱以入。**周**秦王破宋金剛。李勣平高麗。皆凱歌入京師。其樂歌。則有破陣樂。應聖朝等篇。其奏樂。則有鐃吹二部。笛。箏。篋。簫。笳。鐃。鼓等器。至廟社。但陳列於門外。不奏歌曲。伺告獻禮畢。復上馬奏曲如儀。以廟社尊嚴之地。鐃吹誼。詳。恐乖肅敬。故不奏曲。**宋**大將師還。先獻凱樂於廟社。亦不奏曲。伺告祭禮畢。復上馬導

引奏曲。至宣德樓。兵仗外二十步下馬。兵部尚書引樂至樓下。遍奏歌曲。

國朝大將師還。先凱樂於

太廟

太社門外。不奏歌曲。伺告祭禮畢。然後於

午門樓前。遍奏歌曲。

皇帝常服御樓受獻。百官朝服舞蹈稱賀。其儀見于左。

獻俘 宣露布

兵捷獻俘所以告武功之成。宣露布所以彰成功之盛也。**周**制。出征執有罪。反釋奠于學。以訊馘告。傳曰。獻俘授馘。飲至大賞。又曰。**晉**侯使趙同獻狄俘於周。晉士會滅赤狄。獻狄俘於廟。自是而後。捷必獻俘。**後魏**剋捷。始宣露布。彭城王勰曰。後魏人露布者。布於四海。露之耳目。蓋謂獻捷之書不封。而以告諭於天下也。**唐**宣露布於東朝堂。文武百官朝服序立。中書令宣露布訖。羣官客使舞蹈稱賀。**唐**獻俘。宣露布於明德門。

樓或於宣德門樓。百官朝服序立。通事舍人於文武班南宣露布。訖羣官客使舞蹈稱賀。如**唐**儀。

國朝大將帥還。則於

午門樓前獻俘宣露布。百官朝服序立。大將獻俘畢。禮部官宣露布。百官舞蹈稱賀。以露布付中書省頒示天下。其儀見後。

論功

師還而論功者。所以賞用命。示激勸也。**漢**有天

下。論功錫爵。諸將封侯者四十三人。晉太元十年。論淮肥之功。封謝安廬陵郡公。謝石南康公。謝玄康樂公。謝琰望蔡公。桓伊永脩公。自餘封拜有差。唐第功班賞長孫無忌以下。差功大小第之。總四十三人。乾道中。以中興十三處戰功。列於銓法。今擬

國朝大將出師凱還。

皇帝親御

奉天殿。第其功勳高下。賞賚有差。儀制見親征篇。此不再具。

大將受封賞表謝。其說見親征篇

授節鉞儀注

前期。拱衛司設大將軍次于

午門外。兵部官備節鉞陳于

奉天殿中架上。內使監陳設

御座香案于

奉天殿如常儀。侍儀司設大將軍拜位于丹墀

中道稍西。又設大將軍受節鉞位于

殿中

御座前俱北向。設授節授鉞官位於大將軍受節鉞位之東。西向。設受節執事受鉞執事位於大將軍受節鉞位之西。東向。設百官侍立位於丹墀文武樓之北。東西相向。通班贊禮位於大將軍丹墀拜位之北。東西相向。通班在西贊禮在東。內贊位於

殿上大將軍受節鉞位之北。東西相向。侍衛官侍立位於殿上之東西。典儀二人位於

丹陛之南。東西相向。將軍四人位於

丹陛上之四隅。東西相向。六人位於

殿門外之左右。二人位於

殿上簾前之左右。六人位於

奉天門之左右。皆東西相向。鳴鞭四人位於

丹陛上之南。北向。引大將軍二人位於大將軍

丹墀拜位之北。東向。引文武班舍人四人位於

文武班之北。稍後。東西相向。是日擊鼓初嚴。侍

儀導從官入迎

車駕金吾衛陳甲士軍仗于

午門外之東西及旗仗于

奉天門外之東西拱衛司陳儀仗于

丹陛及丹墀中東西相向車輅馴象於丹墀文武樓之南東西相向典牧所陳仗馬於文武樓南之東西虎豹於

奉天門外和聲郎陳樂於丹墀大將軍拜位之南北向擊鼓次嚴引文武班舍人引文武百官具朝服齊班入侍立位引班引大將軍具朝服

立候於丹墀之西北大將軍所部將士及鼓吹皆候於

午門外擊鼓三嚴侍儀司奏外辦御用監令奏上位服武弁服御輿以出警蹕侍衛導從俱如常儀

皇帝將出仗動樂作陞殿樂止將軍捲簾鳴鞭

報時訖引班引大將軍入就

丹墀拜位知班唱班齊贊禮唱鞠躬拜興拜興拜興拜興平身大將軍鞠躬樂作拜興拜興拜興

興拜興平身。樂止引班引大將軍由西

陛陞西門入。引班立候於

殿門外。內贊接引至

御前拜位。內贊唱鞠躬拜興。拜興平身。大將軍

鞠躬。樂作拜興。拜興平身。樂止內贊唱跪。大將

軍跪。內贊唱搢笏。大將軍搢笏。授節官授鉞官

詣架前取節取鉞至

御前跪承

制訖。興平身。立於大將軍之東北。宣士及諸大

制云云訖。以節授大將軍。大將軍受節。受節執

事者跪于西。大將軍以節授執事。執事受節。興

退立於西。授鉞官以鉞授大將軍。大將軍受鉞。

受鉞。執事者跪於西。大將軍以鉞授執事者。執

事者受鉞。興退立於執節執事之下。內贊唱出

笏。俛伏。興平身。大將軍出笏。俛伏。興平身。內贊

唱鞠躬拜興。拜興平身。大將軍鞠躬。樂作拜興。

拜興平身。樂止內贊導大將軍出自西門。執節

執鉞。執事前。行。由

正門出中

陸降。大將軍由西

陸降。復位。執節。執鉞者。分立於左右。執節在左。

執鉞在右。贊禮唱鞠躬。樂作拜興。拜興。拜興。拜興。

興。平身。樂止。侍儀奏禮畢。引

上位興。樂作還宮。樂止。引班引節。鉞導大將軍

及百官以次出。大將軍勒所部建旗幟。鳴金鼓。

正行列。執擎節鉞。奏樂前導。百官以次送出。

遣將告武成王廟儀注

齋戒。前期擇日。太常司具時日告諸司。前二

日。設大將以下。次於廟南門外。前一日。大將以

下及諸將陪祭官

廟所清齋。諸執事官集大將齋所。拜儀。

省牲。前二日。設大將省牲位於廟南門外。前

一日。贊引引大將詣省牲位。北向立。廩犧令牽

牲自東過。大將前省訖。牽詣

神廚。視鼎鑊滌漑訖。遂烹牲。贊引引大將還齋

所。

陳設。前祭一日。執事官灑掃廟之內外。陳設如圖儀。

正祭。祭日清晨。執事者各服其服。贊引引讀祝官於大將幕次。僉祝版訖。催請各官具朝服。執事者入陳幣篚於酒尊所。陳祝版於神右。實禮物於器訖。諸執事入就位。贊引引大將以下及陪祭官入就位。贊禮唱行禮。贊引白大將有司謹具。請行事。贊禮唱再拜。傳贊唱鞠躬。拜興。拜興。平身。衆官皆鞠躬。拜興。拜興。平身。

奠幣。贊禮唱奠幣。贊引詣大將前曰。請詣盥洗所。引大將詣盥洗所。贊引曰。搯笏。盥手。悅手。大將搯笏盥手。悅手。贊引曰。出笏。大將出笏。贊引曰。請詣

武成王神位前。引大將詣神位前。執事者捧幣從行。至神位前。贊引曰。跪。搯笏。上香。三上香。司香捧香跪進於大將之右。大將跪搯笏。上香。三上香。贊引曰。受幣。執事者以幣跪進於大將之右。大將受幣。執事者興。還本位。贊引

曰奠幣。大將興以幣奠於

神位前。贊引曰出笏。稍後。鞠躬。拜興。拜興。平身。

大將出笏。稍後。鞠躬。拜興。拜興。平身。贊引曰請

詣配位神位前。引大將詣配位前。上香奠幣如

武成王神位之儀。贊引曰請復位。引大將降復

位。

進熟。贊禮唱進俎。進俎官舉俎。陞階以侑。贊

引曰請詣

武成王神位前。引告官陞自東階。至

神位前。北向立。贊引曰搢笏。大將搢笏。贊引曰

進俎。執事舉俎以進。授大將。大將受俎。舉俎官

還本位。贊引曰奠俎。大將以俎奠於

神位前。贊引曰請詣

配位前。進俎奠俎如上儀。贊引曰請復位。引大

將復位。

酌獻。贊禮唱獻官行禮。贊引曰請詣爵洗所。

引大將詣爵洗所。贊引曰搢笏。大將搢笏。贊引

曰執事者以爵進。執事者以爵進。授大將。贊引

曰受爵。大將受爵。贊引曰：滌爵。大將滌爵。贊引曰：拭爵。大將拭爵。贊引曰：以爵授執事者。大將以爵授執事者。贊引曰：執事者再。以爵進。執事者再。以爵進。授大將。贊引曰：受爵。滌爵。拭爵。以爵授執事者。大將受爵。贊引曰：酌酒。司尊者酌酒。贊引曰：以爵授執事者。大將以爵授執事者。贊引曰：執事者再以爵進。執事者以爵進。授大將。贊引曰：受爵。大將受爵。贊引曰：酌酒。大將酌酒。贊引曰：以爵授執事者。大將以爵授執事者。贊引曰：請詣武成王神位前。執事者捧爵酒從行。至神位前。贊引曰：跪。搢笏。大將跪。搢笏。贊引曰：執事者以爵跪進於大將之右。贊引曰：受爵。祭酒。祭酒。三祭酒。大將受爵。祭酒。祭酒。三祭酒。贊引

曰奠爵大將以爵置於坫。贊引曰讀祝。讀祝官取祝版於

神右跪讀訖。讀祝官興以祝置於坫。退還本位。

贊引曰就拜興。平身。大將就拜興。平身。贊引曰

稍後。鞠躬拜興。平身。大將稍後。鞠躬拜興。

拜興。平身。贊引曰請詣

配位神位前。詣

配位前。祭酒。奠爵。讀祝。一如武成王神位前之

儀。贊引曰請復位。引大將降復位。初大將行禮

時。贊引引分獻官亦詣盥洗所。贊引曰搯笏。分

獻官搯笏。贊引曰盥手。悅手。分獻官盥手。悅手

贊引曰出笏。分獻官出笏。贊引曰請詣爵洗所。

引分獻官詣爵洗所。贊引曰搯笏。分獻官搯笏。

贊引曰執事者以爵進。執事者以爵進。授分獻

官。贊引曰受爵。滌爵。拭爵。以爵授執事者。分獻

官受爵。滌爵。拭爵。以爵授執事者。贊引曰出笏。

分獻官出笏。贊引曰請詣酒尊所。引分獻官詣

酒尊所。執爵者捧爵從行。贊引曰搯笏。分獻官

搢笏。贊引曰：執事者以爵進。執事者以爵進。授分獻官。贊引曰：受爵。分獻官受爵。贊引曰：司尊者舉幕。司尊者舉幕。贊引曰：受爵。酌酒以爵授執事者。分獻官受爵。酌酒以爵授執事者。贊引曰：出笏。分獻官出笏。其餘分獻官皆如上儀。贊引曰：請詣兩廡。

神位前。贊引引分獻官詣兩廡。

神位前。贊引曰：跪。搢笏。上香。上香。三上香。分獻官跪。搢笏。上香。上香。三上香。贊引曰：執事者以

爵進。執事者以爵跪進於分獻官之右。贊引曰：受爵。祭酒。祭酒。三祭酒。分獻官受爵。祭酒。祭酒。三祭酒。贊引曰：奠爵。分獻官以爵置於坫。贊引曰：出笏。就拜。興。平身。分獻官出笏。就拜。興。平身。贊引曰：稍後。鞠躬。拜興。拜興。平身。分獻官稍後。鞠躬。拜興。拜興。平身。贊引曰：請復位。引分獻官退復位。

飲福受胙。贊禮唱：飲福受胙。執事酌福酒。舉胙肉於飲福位。以伺。贊引引大將至。飲福受胙。

位。贊引曰鞠躬。拜興。拜興。平身。大將鞠躬。拜興。拜興。平身。贊引曰稍前。跪。搢笏。大將稍前。跪。搢笏。贊引曰受爵。執事以福酒跪進於大將之右。大將受酒。贊引曰祭酒。大將祭酒。少許。贊引曰飲福酒。大將飲福酒。贊引曰奠爵。大將以爵置於坫。贊引曰受胙。執事以胙跪進於大將之右。大將受胙。進胙官興。還本位。告官以胙授左右。左右跪受胙。興。退立於告官之右。贊引曰出笏。就拜興。平身。大將出笏。就拜興。平身。贊引曰稍後。鞠躬。拜興。拜興。平身。大將稍後。鞠躬。拜興。拜興。平身。贊引曰請復位。引大將退復位。徹豆。贊禮唱徹豆。執事者各徹豆。贊禮唱賜胙。贊引曰獻官飲福受胙免拜。贊禮唱分獻官陪祭官皆再拜。傳贊唱鞠躬。拜興。拜興。平身。分獻官以下皆鞠躬。拜興。拜興。平身。望燎。贊禮唱望燎。執事者取祝幣詣望燎所。贊引引大將詣望燎位。執事置祝幣於燎壇上。候燎半。贊禮唱可燎。贊引曰禮畢。引大將出次。

引分獻官陪祭官以次出。

馮祭軍牙六毒縣儀注

齋戒。

前期獻官

初獻官大將為之。亞獻官次將為之。

以下散

齋二日於公廨致齋一日於祭所。

省牲。前期二日設大將省牲位於旗纛廟南

門外。前一日贊引引獻官朝服至省牲位。北向

立。廩犧令帥其屬牽牲過獻官前省訖。牽詣神

厨。視鼎鑊滌既訖。遂烹牲。引獻官還齋所

陳設。前一日所司灑掃廟之內外。執事者陳

設如圖儀。

正祭祭日清晨立牙旗六纛於

廟壇之上。近北。南向軍牙在東。六纛在西。置

神座於牙纛之前。執事者各服其服。贊引引讀

祝官詣獻官齋所。僉祝版訖。催三獻官及陪祭

官各具朝服。執事者入實祭福於器。置篚幣於

酒尊所。陳牲俎於

神前。置祝版於

神右。諸執事各就位。贊引引獻官以下以次入

就位。贊禮唱行禮。贊引白初獻官有司謹具請
行事。贊禮唱再拜。傳贊唱鞠躬。拜興。拜興。平身。
初獻官以下皆鞠躬。拜興。拜興。平身。

奠幣行禮。贊禮唱奠幣行。初獻禮。贊引曰請
詣盥洗所。引初獻官詣盥洗所。贊引曰搢笏。初
獻官搢笏。贊引曰盥手。悅手。初獻官盥手。悅手。
贊引曰出笏。初獻官出笏。贊引曰請詣爵洗所。
引初獻官至爵洗所。贊引曰搢笏。初獻官搢笏。
贊引曰執事者以爵進。執事者以爵進。授獻官。

贊引曰受爵。滌爵。拭爵。以爵授執事者。初獻官
受爵。滌爵。拭爵。以爵授執事者。贊引曰執事者
再以爵進。執事者以爵進。授獻官。贊引曰受爵。
滌爵。拭爵。以爵授執事者。初獻官受爵。滌爵。拭
爵。以爵授執事者。贊引曰出笏。初獻官出笏。贊
引曰請詣酒尊所。引初獻官至酒尊所。執爵者
捧爵從行。贊引曰搢笏。初獻官搢笏。贊引曰執
事者以爵進。執事者以爵進。授獻官。贊引曰司
尊者舉簾。司尊者舉簾。贊引曰受爵。酌酒。以爵

授執事者。初獻官受爵。司尊者酌酒訖。初獻官以爵授執事者。贊引曰。執事者。再以爵進。執事者。再以爵進。授初獻官。贊引曰。受爵。酌酒。以爵授執事者。初獻官受爵。司尊者酌酒訖。初獻官以爵授執事者。贊引曰。出笏。初獻官出笏。贊引曰。請詣。

曰請詣

軍牙神位前。引初獻官陞階詣神位前。執爵者捧爵。司幣者捧幣從行。

神座前北向立。贊引曰。跪。搢笏。初獻官跪。搢笏。

贊引曰。上香。上香。三上香。司香者捧香跪。搢於初獻官之右。初獻官上香。上香。三上香。訖。司香者興。還本位。贊引曰。司幣者以幣進。司幣者捧幣跪。進於初獻官之右。贊引曰。受幣。初獻官受幣。司幣者興。還本位。贊引曰。奠幣。初獻官奠幣。奠於

神位前。贊引曰。執事者以爵進。執事者捧爵跪。進於初獻官之右。贊引曰。受爵。初獻官受爵。執爵者興。還本位。贊引曰。祭酒。祭酒。三祭酒。奠爵。

初獻官祭酒祭酒三祭酒以爵置於坫。贊引曰出笏。初獻官出笏。贊引曰讀祝。讀祝。官取祝版東向跪讀於神右訖。興以祝復置於坫。還本位。贊引曰俛伏。興初獻官俛伏。興。贊引曰稍後。鞠躬。興拜。興。平身。初獻官稍後。鞠躬。拜。興。平身。贊引曰請詣六纛神位前。其上方奠幣祭酒。讀祝皆如軍牙神位前之儀。贊引曰請復位。引初獻官降東階復位。

亞獻

贊禮唱亞獻官行禮。其儀與初獻同。

不

奠幣讀祝文

終獻

其儀與亞獻同。

飲福受胙。贊禮唱飲福受胙。贊引曰請詣飲福受胙位。引初獻官至牙纛神位前。北向立。執事者先酌福酒。舉胙肉以伺。贊引曰鞠躬。拜。興。拜。興。平身。初獻官鞠躬。拜。興。平身。贊引曰稍前跪。初獻官稍前跪。贊引曰措笏。初獻官措笏。贊引曰執事者以爵進。執事者以爵酒跪進。

於初獻官之右。贊引曰受爵。初獻官受爵。執事者興。還本位。贊引曰祭酒。初獻官祭酒少許。贊引曰飲福酒。奠爵。初獻官飲福酒訖。以爵置於坫。贊引曰受胙。執事者以胙跪進於初獻官之右。初獻官受胙。執事者興。還本位。初獻官以胙授左右。左右跪受胙。興。退立於初獻官之右。贊引曰出笏。俛伏。興。初獻官出笏。俛伏。興。贊引曰稍後。鞠躬。拜。興。拜。興。平身。初獻官稍後。鞠躬。拜。興。拜。興。平身。贊引曰請復位。引初獻官降自東階復位。

徹豆。贊禮唱徹豆。執事者徹豆。贊禮唱賜胙。贊引曰初獻官飲福受胙。免拜。贊禮唱亞獻官以下皆再拜。傳贊唱鞠躬。拜。興。拜。興。平身。亞獻官以下皆鞠躬。拜。興。拜。興。平身。

望燎。贊禮唱望燎。贊引曰請詣望燎位。祝人舉祝幣。人舉幣。置燎壇。贊引引初獻官至望燎位。伺燎半。贊禮曰可燎。贊引曰禮畢。贊引引初獻官及亞獻官以下以次出。

奏凱儀注

大將軍未至前一日。所司設大將軍次於
午門外。內使監官陳

御座於

午門樓上前楹當中南面。侍儀司設大將軍拜
位於樓前北向。設諸將拜位於大將軍拜位之
後。重行北向。設文武百官拜位於諸將拜位之
南。文東武西。重行北向。設奏凱樂位於大將軍
拜位之前北向。協律郎位於奏樂位之北。東西

相向。設司樂位於協律郎之南。東西相向。設贊
禮位於樓前大將軍拜位之北。東西相向。設文
武官及諸蕃使客侍立位於樓前之兩傍。東西
相向。設諸將序立位於文武班之北。稍前。東西
相向。設大將軍侍立位於諸將之北。東向。引大
將軍舍人二人位於大將軍拜位之北。東西相
向。引諸將舍人二人位於諸將拜位之北。東西
相向。引文武班舍人四人位於文武班之北。稍
後。東西相向。知班二人位於贊禮之南。東西相

九時集禮 卷三十一
向。是日宿衛列兵衛。拱衛司設儀仗於樓前之
東西。引班引文武百官各服朝服入就侍立位。
引禮引大將軍及諸將各就侍立位。協律郎引
奏凱樂工立伺於文武班之南。東西相向侍儀
導引

皇帝常服乘輿出陞樓。即

御座。侍衛如常儀。引禮引大將軍及諸將各就
拜位立定。贊禮唱鞠躬拜。與拜。與拜。與平
身。大將以下皆鞠躬拜。與拜。與拜。與平身。

引禮引大將軍以下各就侍立位。贊禮唱奏凱

樂。協律郎執麾。引樂工以次至奏樂位立定。司

樂於樂工之前。俛伏跪奏。具官臣某言請奏凱

樂。協律郎舉麾。鼓吹大振。徧奏樂曲。其曲隨協

律郎偃麾。樂止司樂跪奏。具官臣某言謹奏凱

樂畢。退。協律郎執麾。導樂工等以次出次。宣露

布獻俘如後儀。

宣露布 獻俘

前期。大都督府以露布奏

聞。中書省承

制。告示文武百官。耆宿於皇城守宿。質明具朝服行事。前一日內使監設

御座於

午門樓上前楹當中南面。侍儀司設獻俘位於樓下。少南。又設獻俘將校位於獻俘位之北。設刑部尚書奏獻俘位於獻俘將校之北。皆北向。又設刑部尚書受俘位於獻俘位之西東向。設露布案於樓下內道正中南向。設受露布官位

於露布案之東。西向。設奏宣露布官位於露布案之西。東向。設承

制官位於露布案之東北。西向。設宣露布位於文武班之南北向。宣露布官展露布官位於宣露布位之西東向。設舉露布案執事位於案之西東向。初奏凱樂時。獻俘將校引俘立伺於兵仗之外。伺奏凱樂畢。贊禮唱宣露布。樓上承旨官承

旨。以露布付受露布官。樓下傳承旨官宣

九日集禮 卷三十四 二十六
旨訖。引禮引受露布官詣露布案南北向立。贊禮唱跪。搢笏。受露布官跪搢笏。樓下傳承旨官捧露布授受露布官。受露布官受露布與執事以案退。受露布官捧露布由中道南行。至宣露布位。以授宣露布官。宣露布官受露布。與展露布官同展宣訖。以露布授受露布官。受露布官捧露布退。贊禮唱獻俘。獻俘將校引俘至獻俘位。將校在前。俘獲在後。北向立定。刑部尚書進當樓前位。俛伏跪奏。具官臣某言。某官某以某

處所俘獻。請付所司。奏訖。退復受俘位。伺

旨。有合就刑者。立於西廂東向。以付刑官。若

上釋罪者。樓上承制官宣

旨曰有

勅釋縛。樓下傳承旨官宣

旨。釋訖。贊禮唱謝恩。鞠躬。拜興。拜興。拜興。平

身。所釋之俘皆鞠躬。拜興。拜興。拜興。拜興。平

身。隨拜三稱萬歲。訖。獻俘將校引所釋俘退。

賜物即承旨宣賜。引禮引大將及諸將就拜位北向立

定。贊禮唱鞠躬。拜興。拜興。拜興。拜興。平身。搢笏。
 三舞蹈。跪。山呼萬歲。山呼萬歲。再山呼萬歲。再山呼萬歲。
 出笏。就拜興。拜興。拜興。拜興。平身。引禮引大將
 及諸將出。引班引文武百官合班北面立定。贊
 禮唱鞠躬。拜興。拜興。拜興。拜興。平身。搢笏。三舞
 蹈。跪。山呼。山呼。再山呼。三稱萬歲。訖。贊者唱就
 拜興。拜興。拜興。拜興。平身。文武百官皆鞠躬。拜
 興。拜興。拜興。拜興。平身。贊禮唱班首少前。班首
 出班北面立。贊禮唱跪。班首跪。稱賀。云云 訖。贊

禮唱俯伏。興。平身。班首俯伏。興。平身。贊禮唱復
 位。班首復位。贊禮唱鞠躬。拜興。拜興。拜興。拜興。
 平身。文武百官鞠躬。拜興。拜興。拜興。拜興。平身。
 樓上侍儀前跪奏禮畢。興。

上降樓。乘輿還內。引班引文武百官退。

大將受爵賞謝

恩進表。

前期一日。內使監官陳

御位香案於

奉天殿如常儀。拱衛司設

皇太子太子侍立位於

御位之東。和聲郎設樂位於

丹墀文武班之南。侍儀司設表案於

丹墀之西。近北。及奉天殿中。設文武百官序立

位於

午門之外。東西相向。以北為上。文武百官侍立

位於

丹墀表案之北。東西相向。大將軍位於

丹墀之西。表案之南。衆將官位於大將軍之南。

通班贊禮二人位於表案之南。大將軍拜位之

北。東西相向。知班二人位於通班贊禮之南。東

西相向。宣表官展表官二人位於表案之西。東

向。宿衛鎮撫位於東西階下。東西相向。護衛二

十四人位於宿衛鎮撫之南。東西相向。引文武

班四人位於文武班之北。稍後。引大將軍二人

位於大將軍之西。典牧官位於乘馬之前。東西

丹階上。東西相向。典儀二人位於

丹陛上。東西相向。拱衛官侍立位於

殿門之左右。鳴鞭四人位於

丹陛中。天武將軍四人位於

丹陛上四隅。將軍六人位於

殿門外左右。捲簾將軍二人位於

殿上。東西相向。將軍六人位於

奉天門之左右。東西相向。設受表官位於

殿上之東。起居給事中殿中侍御史侍儀使尚

寶卿及武官懸刀侍從位於

殿上。東西相向。尚寶司設寶案於

殿中。其日清晨。金吾衛陳設甲士於

午門外之東西。旗仗於

奉天門外之東西。拱衛司陳儀仗於

丹陛上。東西相向。卓輅馴象於文武樓南之東

西。典牧所陳仗馬於文武樓南之東西。虎豹於

奉天門外。侍儀司官置表案於

殿中。舍人二人置表於案。舉案入就

丹墀位。退立於引文武班之下。和聲郎入就樂位。鳴鞭四人殿內外將軍入就位。典儀通班贊禮。知班入就位。宿衛鎮撫護衛拱衛司官典牧所官入就位。殿前班指揮光祿司官展表宣表。官入就位。引禮四人引文武百官入就侍立位。引禮引大將軍及將官入立於奉天門外之西。尚寶及侍從官俱詣謹身殿奉迎。侍儀司奏外辦。

皇帝服袞冕御輿以出。警蹕。尚寶卿奉

寶及侍衛導從如常儀。

皇帝將出。仗動。大樂鼓吹振作陛

御位。樂止捲簾。尚寶卿奉

寶置於案。拱衛司鳴鞭。司晨執事雜唱訖。引進

引

皇太子於

奉天門東耳房具袞冕。同

太子由東門入。樂作。陞自東階。入

奉天殿東門至。

御位東侍立。樂止引禮引大將軍入

奉天門。樂作至位。樂止贊禮唱鞠躬。樂作四拜

興。平身。樂止引禮引大將軍詣案前。搢笏。自

捧表。展表。官宣表。官跪。從由西階。引禮立候

於西階之下。大將軍及宣表。展表。官由西階入。

大將軍初行。樂作入門。樂止宣表。展表。官立於

殿之西南。內贊唱進表。唱跪。大將軍跪進表。受

表。官詣案東跪受表。置於案。贊禮唱衆官皆跪。

衆官皆跪。內贊唱出笏。大將軍出笏。唱宣表。官

表。官詣前取表跪於

御座之西。展表。官詣前跪。展表。宣訖。宣表。官復

表於案。唱俯伏。興。平身。大將俯伏。興。平身。通贊

唱俯伏。興。平身。衆將官皆俯伏。興。平身。大將及

宣表等官由

殿西門出。樂作降自西階。引禮引復位。樂止宣

表。官展表。官各復位。贊禮唱鞠躬。樂作拜。興。拜

興。拜。興。拜。興。平身。樂止贊禮唱搢笏。鞠躬。三舞

蹈。跪左膝。三叩頭。山呼。山呼。再山呼。三稱萬歲。

出笏。俯伏。興。拜。興。拜。興。拜。興。拜。興。平身。初拜。樂

作拜畢。樂止。侍儀奏禮畢。鳴鞭。

皇帝興。樂作警蹕。侍從導至

謹身殿內。贊引引

皇太子

太子出殿。引進引降自東階至文樓。樂止舍人

舉表出。引班引太將軍文武百官以次出。

大明集禮卷三十四

